

REDAKSIELEDE

Manie Lemmer - 082 879 6969
(Voorsitter)
Sannie Lemmer - 071 693 5993
(Sekretaresse)

De Wildt Helpmekaar Maatskappy
en

De Wildt Rampbestuur
Gertjie Davel - 082 376 1645
De Wildt Boerevereniging
Hanna Scribante - 083 417 4699

De Wildt VLU
Georgie Louw - 082 374 6879

Addisionele lede
Trevor Louw 082 374 1645
Jan Lemmer 083 256 8266
Eugene van Staden 073 367 4787
Gertie van Staden 073 091 6035

Bladuitleg en tikwerk
Daleen van Manen - 072 953 0071

Drukkers: Maxxi Press
Tel: 084 208 1278

De Wildt Nuus

Bankbesonderhede:
Rekeningnaam: De Wildt Nuus/News
Standardbank, Wonderpark
Takkode: 016145
Spaarrekeningnr: 038247518
Verwysing: Adverteerder se naam +
DWN April 2012 (noem telkens die
naam van die betrokke maand).
Epos betalingsbewys
manie.lemmer@dewildtnuus.co.za
Advertensiegeld moet asb vooruitbetaal
word, maw sodra die advertensie
versoek of gewerf word.
Dankie vir julle moeite.
Kontakpersone vir advertensies en
grafiese ontwerp:
Daleen van Manen
Advertensie-ontwerp: R100
Veranderings op bestaande
advertensies: R50
**ADVERTENSIES IS
VOORUITBETAALBAAR**

*Die artikels in die De Wildt Nuus is nie
noodwendig die produk van die redaksie
nie, maar van individue.
Daarom vereenselwig die redaksie hom
ook nie noodwendig met alle
uitsprake/menings in die artikels nie.*

REDAKSIEBRIEF

Geagte lesers,

Kniediep binne die **herfsseisoen!**
Watter ervarings het ons nie die
afgeloop paar weke gehad nie? My
eie reënmeter het ek die afgeloop
twee weke tweekeer moes
leegmaak toe dit tot bo vol was nie,
meer as 200 mm. Die natuur en
ons harte juig, want die watervlak
in ons gebied is sekerlik nou veel
beter.

Ons kan dus met gerustheid die
komende winterseisoen
tegemoet gaan. Waar die wilde
bome verlede winter swaar gekry
het agv die min reën die vorige
somer en sommige selfs
doodgegaan het, sal dit sekerlik nie
weer hierdie winter gebeur nie.
Ons is jammer om te verneem van
groot vloedskade wat mense
elders gely het, en dank ons
hemelse Vader dat dit ons gebied
nie ernstig getref het nie.

Ons dink aan verskeie inwoners en
oudinwoners wat die afgeloop tyd
oorlede is, se naasbestaandes en
ons betreur hulle oorlye saam met
die families.

Huldeblyke en berigte verskyn
elders in ons blad.

Ons wil by voorbaat 'n nuwe
redaksielid, Marguerite Nel,
verwelkom en glo dat ons in haar
ook 'n goeie medewerker sal hê,
maar ons beklemtoon ook graag
die bydraes wat die ander
redaksielede vir ons blad bring en
ook doen.

Die **adverteerders** is steeds die
bron waaruit ons blad vloei, want
hul advertensiegeld sorg vir die
getal bladsye wat ons na ons lesers
bring en ons dank hulle daarvoor.

Wat kan ons hierbinne lees?



Manie Lemmer

Ons kan weer lees van die
agteruitgang van dienste (kyk
maar na die padgate), **beurtekrag** agv
die swak beplanning van ESKOM, die
monopoliehouer van lewering (of
nie-lewering) van elektriese krag
ander bedreigings wat ons gebied
in die gesig staar, soos 'n
stortingsterrein wat skielik op ons
afgedwing wil word.

Ek ervaar al hoe meer hoe ons mense
die houe wat na ons toe gemik word
maar met Stoïsynse gelatenheid
aanvaar. Ons word selfs herhaaldelik
gevra om maar geduldig te wees en
geduldig te wag op dinge wat eendag
sal regkom.

As ons nie op ons regte staan nie, sal
dinge nooit weer regkom nie. Ek
herinner u weer soos die naam van
ons inwonersmaatskappy lui De
Wildt Helpmekaar Maatskappy, dat
ons mekaar moet help en soos een
van die doelstellings lui dat ons saam
sal staan om ons gebied teen
bedreigings van buite te beskerm.
Om meer plek te maak vir artikels
van belang, hou ek die redaksiebrief
hierdie keer kort en kragtig.
U word genooi om weer eens die
inhoud van ons blad te geniet en ook
daarop te reageer.

Vir hierdie doel het ons 'n Possak
rubriek. Maak asb daarvan gebruik
om u mening te lug!

Groete tot volgende keer.

Bedreiging vir De Wildt: Beoogde stortingsterrein

Manie Lemmer

Op 28 Februarie 2014 het ons 'n skrywe ontvang van die nuwe beoogde stortingsterrein vir Tshwane. Waar? Hier in ons omgewing. Drie plase is in gedrang: Wildebeesthoek, Middelwater en Vissershoek, waar die sandgate is.

Hoe gaan dit ons, die inwoners raak? Die enigste twyfelagtige "voordeel" is dat dit in ons midde sal wees. Ons moet dadelik registreer as geaffekteerde partye. As jy nie registreer nie, het jy geen sê nie.

KOM ONS KYK NA AL DIE NADELE:

1. GESONDHEID:

* Asmalers: Die stank, rook en stof gaan mense met Asma affekteer. Ons sal met pompies loop sodat ons asem kan kry. Ons het na De Wildt getrek sodat ons skoon lug kan inasem. En nou die bedreiging.

*** Lugbesoedeling:**

Die onsuiver lug gaan veroorsaak dat al ons leerders van Vissershoek dmv lugbesoedeling longsiekstes kan ontwikkel. Ook Sinusprobleme. En wie gaan betaal? Die ouers se mediese fondse totdat dit uitgeput raak. Dan kom dit uit hul sakke. Nie net die kinders nie, maar ook al die inwoners gaan geraak word.

*** Allergie:**

Meer as een persoon gaan allergies raak agv die rook, stank en addisionele stof van die omgewing.

*** Waterbesoedeling:**

Die plase en hoewes direk naby die terrein se boorgate gaan besoedel raak. Dan sal ons ook soos in die geval van die myne nie meer skoon drinkwater hê nie.

Baie boere maak gebruik van besproeiing. Selfs hierdie water uit die boorgate kan voedsel besmet. Daar gaan geen oeste meer wees en geen kos op ons tafels nie.

2. R513 PAD EN ANDER TOEVOERPAAIE

Hierdie pad gaan binne 'n paar maande vol slaggate wees. Tel maar die motors wat nou reeds van en na Brits op hierdie pad ry na en van hulle werk. Hulle gebruik nie die tolpad nie. Ook groot vragmotors maak nou al reeds van hierdie pad gebruik. As al die vragmotors met vullis en afval ook die pad gaan gebruik gaan daar chaos wees. Ons sal nie by ons hekke uit kan kom om self werk toe te gaan nie en ons paaie gaan binnekort een slagpat op die ander wees.

3. GROEN GORDEL VAN DIE MAGALIESBERG:

Die rook en besoedeling kan suid waai en sodoende die groen gordel van die Magaliesberg affekteer. Alles kan sterf.

Ons is heilig gesteld op ons berg. Ons is heilig gesteld op ons omgewing. MOET DIT NIE KOM BESOEDEL NIE.

4. PLAKKERS EN DROSTERS OP DIE STORTINGSTERREIN:

Die terrein sal binne 'n paar dae in 'n plakkerskamp ontaard. Drosters sal ook daar begin woon. Huisies van plastiek en karton sal opgerig word. Kyk maar by die bestaande stortingsterreine hoe dit daar lyk, om nie te praat van die onveiligheid agv hierdie "stropers" van afval nie; 'n mens moet gewapend daarheen gaan om jou lewe te kan beskerm. Hierdie mense het nie blyplek of behoorlike kos of klere nie en die volgende stap is om by nabygeleë inwoners se huise in te breek en ons te besteel.

5. BROMMERS, VLIË EN MUISE EN ROTTE:

Ons omgewing sal 'n plaag van brommers, vlieë, muis en rotte hê waar ons tans geen sodanige plaag het nie.

6. WATER EN TOILETGERIEWE:

Water en toiletgeriewe sal nie vir die plakkers voorsien word nie. Waar gaan hulle water kry en toiletgeriewe? Hulle gaan ons heinings knip en water by ons kom vat. Ons betaal ten duurste vir ons water. Diep boorgate met pompe en maandeliks krag. Gebrek aan toilette sal hulle maar net bos toe dryf en so sal ons water verder besoedel word en ook die aas rondom die terrein vererger.

7. WAARDE VAN ONS EIENDOMME:

Die waarde van ons eiendomme gaan daal. Wie wil nou 'n eiendom langs 'n vullis- en stortingsterrein koop?

8. AKSIES TEEN DIE VOORGENOME

VULLIS-STORTINGSTERREIN

Soos in die verlede het die inwoners van De Wildt verskeie aksies geloods teen grondeise, voorgenome paaie en kragvoorsiening. Elke keer het ons geslaag.

Ons mag klein en oningelig voorkom, maar ons is groot in dade en geloof.

REGISTRASIE:

Ons as groep beswaarmakers moet ook individueel beswaar maak. Elkeen moet individueel registreer as "I&AP" lede.

Op 12 Maart het sommige DWHM direkteure en enkele inwoners die mense wat die Omgewingsimpak assesseringstudie doen, ontmoet en die eerste vergadering met inwoners word op 12 April by Laerskool Vissershoek gehou om 12:00 - 16:00.

Daag asseblief in groot getalle op as julle nie onder die stortingsterrein wil ly nie!